

四庫全書

史部

欽定四庫全書

欽定熱河志卷十九

巡典七

御製詩

丙戌

恭奉

皇太后秋巡啓蹕之作

昨夜微霏雨洗車朝來霽景暢  
晶如天高氣爽臨秋園  
山峙川流奉

懿輿自有三千驅赴赴那須十二駕魚魚沿途又此屢豐  
閱曰慰曰競並切予

出古北口

闐闐棲嶂迴嶙峴望幸黎元迓蹕巡雖是一年經一度  
憐他每度較前親

北門鎖鑰重

去聲

提封組練旌旗列幾重謾道清時全不

用聽教

平聲

例事耀軍容

鬼工猶恐不能兼人力安施峭壁尖設使千秋無此蹟

至今誰復笑蒙恬

身先

去聲

從來雨不辭  
鳴鞭迤邐破煙絲  
予心自有愜懷

處正是秋田結穗時

至避暑山莊即事得句

雲勢侵晨欲放晴  
廣仁嶺過朗曦迎  
山莊早悅遙看目  
衢市先殷衆迓情

祖澤至今歌樂利  
予心惟永戒驕盈  
時巡近遠藩王集  
不  
必言威惠以誠

出麗正門恭迎

皇太后

祇覺八朝隔不知十里遙  
秋晨氣真爽山路潦全消  
歡  
悉

清溫適親承甘旨調  
仙莊奉

文母家法自

神堯

熱河啟蹕木蘭行圍之作

尊養

去聲

去年例萬年

昨歲啟蹕幸木蘭時恭奉

皇太后

高年願養並

留皇妃皇子代

承溫

清奉有

慈諭永為成例

興居晨謁啟行旃

慈雲南望一心慈爽氣北迎衆意便落漲本微涉塞水今秋

迤北雨短塞水本微

獲收逾半閱山田

熱河一帶秋收較往年為

亦自櫛

遠臣西北翩聯至

時都爾伯特貝子額爾德尼等烏梁海內大臣察達克等

並以朝賀至行在卽扈從行圍

示度懷遐詎偶然

重九日賜蒙古王公等宴賚

罷圍應犒賚況復值良辰  
筵對黃華設恩頒翠綺均寧  
須拘禮數實可見情親  
即命還游牧役人不欲頻

木蘭迴蹕至避暑山莊恭問

皇太后安

豈不郵章悉

起居北菟將及月旋初屏翰

平聲

仰望難孤彼

甘旨親嘗更塵予

遊豫仙莊

身益健趨承

松牖志方舒

山莊內所居處名

松鶴齋

萬年循例今年始

昨歲自木

蘭迴蹕詣

皇太后宮問

安遵

皇祖奉

慈寧駐山莊舊典也曾蒙

聖母諭以自此將歲

循康熙年間成例欽承深切欣依今歲即

敬循慈訓之始自今當永為例事云

天倫樂莫如

入古北口

兩月秋巡此進關先殷農沉閱民間果然口內勝口外

塞田今年夏秋缺兩收獲祇得中豐

無幾看過

平聲又看

關內則秋成大稔景象勝於外云



還風柳面迎陌頭綠霜楓背指嶺眉殷祝

釐敢不遵

慈命便以紆臨了髻山

了髻山修葺

神廟落成  
皇太后欲親莅拈香申敬山距密

雲一程因紆道經臨  
便途由盤山迴蹕

三十一年七月丙子

上奉

皇太后啟蹕巡幸塞外是日

皇太后駐蹕湯泉行宮

上駐蹕石槽行宮丁丑

降旨蠲免所過地方額賦十分之三巳卯出古北口壬

午至熱河行宮癸未

上詣廣仁嶺恭迎

皇太后駕至熱河行宮乙未

上奉

皇太后於卷阿勝境侍膳

賜扈從王公大臣蒙古王公台吉等茶果凡三日八月

己亥復

賜王公大臣蒙古王公台吉等茶果凡七日丁未亦如  
之己酉

上侍

皇太后膳

賜王公大臣蒙古王公台吉等宴庚戌

上萬壽聖節詣

皇太后行宮行禮

御澹泊敬誠殿扈從王公大臣文武官員及蒙古王公  
台吉等行慶賀禮

上侍

皇太后膳

賜王公大臣蒙古王公台吉等宴三日癸丑

上啟蹕巡幸木蘭

皇太后仍駐熱河行宮丁卯行圍殪虎

駐蹕鄂蘭索郭圖九月戊辰朔行圍殪虎

駐蹕額勒蘇錫納己巳行圍殪虎

駐蹕按巴鳩和洛昂阿壬申行圍殪熊

駐蹕坡賚昂阿丙子

駐蹕張三營

賜扈從王公大臣蒙古王公台吉並隨圍兵丁等飯已

郊迴熱河行宮恭請

皇太后安丙戌

上奉

皇太后自熱河迴鑾已丑入古北口十月己亥

上奉

皇太后迴圓明園

御製詩 丁亥

恭奉

皇太后幸避暑山莊御園啓蹕之作

昨朝霖雨夜來晴正值蒐巡啓翠旌為奉

康寧緩後頓仍循警蹕肅前行途旁萬姓聽趨覲路近三

分俾免征

降旨免經過地方額賦十分之三  
歲以為常俾蹕路羣黎頻沾惠澤 秋節雖遲

月臨廿

是月十四日始立秋故  
啓行於月之二十日

涼颼已覺馬頭迎

出古北口

蒐巡又此出長關便覺迎來爽滿顏  
秋塞已開峯伍伍  
曉空猶掛月彎彎

遺蹟何須款祖龍  
千秋炯鑒慎邊封  
野橋漲水潮河急  
昨晚山雲西北濃

去年塞坂微嫌早  
今歲山田幸兆豐  
未逮登場知未定

越因切切惕吾衰

至避暑山莊即事得句

千峯歛霧蝨螺鬟嶺過廣仁接闔闌雖是旬餘遲出蹕

却饒一月暢居山

今歲七月逢閏立秋節遲啓鑿較往年緩十餘日而距進哨尚早可多駐

山莊一月

評量農務黃雲際啓迪詩情綠樹間更有予心深

喜處明當策馬迓

慈顏

出麗正門恭迎



皇太后至山莊即事得句

日日伴人悉

起居豈同躬覲

太安輿

康強真是

壽無量愛敬從知樂莫如多稼沿途經

覽豫好山滿苑奉

懷舒秋陽曝處暄宜穡恰有松風入綺䟽

仲秋啓蹕木蘭行園之作

秋中行狩臨六轡發如琴豈不

晨昏念亦惟

繩繼欽南瞻遙塞苑北指近雲岑納稼山村景崇墉真悵

心

蒙古王公等進宴即事成什

帳殿崔巍向遠垵傾誠貢宴得教聽稱觴共上南山壽

奏樂還欣北曲聆蘇對洛那咸扈衛

是日哈薩克陪  
臣亦命預宴

黃

河青海更家庭古來斯事稱希有保泰持盈慎自銘

高適詩云青海只今將飲馬黃河不用更防秋夫防  
秋乃在黃河則其時邊界武備從可知矣明季河套  
始終為梗夏言欲恢復竟構大獄卒亦無成若本朝  
則鄂爾多斯久為臣僕執役惟謹其居河套與各省  
民人之各安井里何異耶青海亦與四十九旗蒙古  
無別隨獵侍宴恭敬有加茲武帳列坐誠如家人父  
子詩以誌事非敢為誇益因自勵

駐張三營行宮賜蒙古王公及隨圍人等宴齊

作

別館開佳宴列茵秩有倫勞

去聲

勤例行賜逮下澤

教均誰曰甌曾脫端知秋似春羣欣稱世僕我則道

嘉賓

迴蹕至避暑山莊恭問

皇太后安

及月山莊

豫養崇

慈顏瞻喜益加

豐朝家馭遠千年計寢閣承

歡一念衷砌以向陽草猶綠窻因延景樹橫紅如斯時節  
如斯事萬載如斯顏不窮

恭奉

皇太后山莊啟蹕迴鑾之作

兩越月餘駐奉言

安馭旋關山自風景節序暗推遷

頤養宜真境

逍遙若上仙歡欣承

懿旨來豫定年年

三十二年七月壬午

上奉

皇太后啟蹕巡幸塞外是日

皇太后駐蹕湯泉行宮

上駐蹕石槽行宮

降旨蠲免所過地方額賦十分之三乙酉出古北口戊

子至熱河行宮己丑

上詣廣仁嶺恭迎

皇太后駕至熱河行宮閏七月丁巳

上奉

皇太后於卷阿勝境侍膳

賜扈從王公大臣蒙古王公台吉等茶果凡五日八月

甲子復

賜王公大臣蒙古王公台吉等茶果凡五日癸酉  
上待

皇太后膳

賜王公大臣蒙古王公台吉等宴甲戌

上萬壽聖節詣

皇太后行宮行禮

御澹泊敬誠殿扈從王公文武大臣官員及蒙古王公



台吉等行慶賀禮

上侍

皇太后膳

賜王公大臣蒙古王公台等宴凡三日丁丑

上啟蹕巡幸木蘭

皇太后仍駐熱河行宮辛巳哈薩克使臣都勒特克勒等

入

覲是日

駐蹕海拉蘇台乙酉

駐蹕都穆達烏拉岱蒙古諸王公等恭進

御宴

閱馬戲己丑

駐蹕鄂爾楚克哈達

賜扈從王公大臣蒙古王公台吉及哈薩克使臣等宴

九月戊戌

駐蹕張三營

賜扈從王公大臣蒙古王公台吉並隨圍兵丁等飯辛

丑迴熱河行宮恭請

皇太后安丁未

上奉

皇太后自熱河迴鑾庚戌入古北口癸丑

上奉

皇太后迴圓明園

御製詩 戊子

孟秋恭奉

皇太后幸避暑山莊啓蹕之作

歲歲行秋奉

大安

康強欣侍

萬年歡一天霽景人心爽  
七日吉程馬足盤

自京至熱河  
吉行七日程

圖逸不教

平聲

進輕輦習勞常是控雕鞍  
村民趨覲無呵

止十分

去聲

三供例與寬

凡所經過州縣正  
供例免十分之三

出古北口

塞關歲歲此途遵  
闐闐歡欣接駕民  
祇有殷勤籌富教

那更

平聲

往事說羸秦

將謂秋風出塞涼  
日中焚熱拂征裳  
金官酌劑人知否  
火迫良田穗染黃

水抱山環盤曲蹊  
兩行綠柳布陰齊  
今來幸比去年景  
禾黍鄉中度鞦韆

至避暑山莊作

灤陽計里不由旬

自容喇河屯至山莊祇三十餘里梵經一由旬謂四十里

按饗清

晨度廣仁

嶺名在山莊西

闕闕至今踰萬戶

萬家煙火隨民便皇祖詩句也

蒼黔自昔仰

時巡撫茲敢懈繼繩志睠彼依然樂利民更有予衷深幸

者山田欣閱屢綏頻

出麗正門恭迎

皇太后駕至避暑山莊作

一日後違八日遲

啓程之日

躡故逐日後一程至今凡八日矣

不

眠數問夜何其欣知此際

臨安輦恭迎去聲先期候野達曰喜真成莫大喜如斯實願

萬年斯

康強福壽誠誰並祇以

德崇用受禧

仲秋啓驛木蘭行園之作

仙莊彌月駐行旌時屆秋蒐此啓程車馬蕭蕭指北塞  
乘木粟粟報西成鷄鳴犬吠山村接鷲臂盧亭獵士迎習

武朝家有常度遵循詎為

去聲恣遊情

木蘭迴蹕至避暑山莊恭問

皇太后安

郵章雖悉

起居便適歲圓期每趨前

定省顧違廿餘日

豫遊願奉萬斯年亭臺總是長生境鶴鹿皆成不老仙

退憩巖齋誠慶慰罨窓紅綠續峯妍



入古北口

九月十九日

秋暖今年實異哉，入關路更潤無埃。  
黃華把憶重陽過，

綠樹看從塞外來。

每歲關外樹葉黃，落入關始見綠樹。今秋關外樹色尚綠，故云。

松蘿

尚留畦町

上聲

蔚柔禾已納圃場，堆村民頗有逢年慶。却

塵畿南慮幾迴。

今歲畿輔高阜處仍屬豐收，自哨門至關內沿途景象頗佳，惟京南瀕水州縣

秋兩稍多有積潦成災者深為塵念

三十三年七月癸巳

上奉

皇太后啟蹕巡幸塞外是日

皇太后駐蹕湯泉行宮

上駐蹕石槽行宮

降旨蠲免所過地方額賦十分之三丙申出古北口已

亥至熱河行宮庚子

上詣廣仁嶺恭迎

皇太后駕至熱河行宮壬子

上奉

皇太后於卷阿勝境侍膳

賜扈從王公大臣蒙古王公台吉等茶果凡三日八月

丁巳復

賜王公大臣蒙古王公台吉等茶果凡七日丁卯

上侍

皇太后膳

賜王公大臣蒙古王公台吉等宴戊辰

上萬壽聖節詣

皇太后行宮行禮

御澹泊敬誠殿扈從王公文武大臣官員及蒙古王公

台吉等行慶賀禮

上侍

皇太后膳

賜王公大臣蒙古王公台吉等宴凡三日辛未

上啟蹕巡幸木蘭

皇太后仍駐熱河行宮己卯

駐蹕都穆達烏拉岱蒙古王公等恭進

御宴

閱馬戲行圍殪虎

駐蹕鄂爾楚克哈達九月壬辰

駐蹕張三營

賜扈從王公大臣蒙古王公台吉並隨圍兵丁等飯乙

未迴熱河行宮恭請

皇太后安辛丑

上奉

皇太后自熱河迴鑾甲辰入古北口丁未

上奉

皇太后迴圓明園

御製詩 己丑

恭奉

皇太后幸避暑山莊御園啟蹕之作

入秋三日屢逢晴撰吉平明啟綵旌緩奉

安輿循後宿例驅柔轡肅前程輕風楊柳迎頭爽濃露郊  
原蓄目清足博

慈顏倍歡豫勝常禾柔速西成

出古北口

塞隘近如國北門棲巖底事整顏垣闔闐列肆無征賦

一百年來沐厚恩

古北口雖設官詰察行人而於商旅往來例不徵權百餘年來人民樂業

關城貨肆

日益絲盛

綵亭預祝貢輿情

提督王進恭奏古北口兵民以明年為朕六旬萬壽籲陳綵亭預祝因其

事已成且無煩費姑聽之不說由來事已成且喜未曾費物力碧天雲

淨朗秋晴

是日晴明既利行程亦不致露漬鋪設也

縈紆石棧驪鞭過蒼綠千林鎖髻螺色合國言紐幹哩

金語與本朝國語相同而漢字金史地理志載古北口國言曰留幹嶺義無可釋音亦不協因思國語謂蒼綠色為紐幹哩當時或緣山樹命名漢人不曉金朝言語妄為音譯展轉成訛今命釐定金國語解特為舉出以正其謬乃知金史譯成訛

出關例看秋成好今歲秋成倍往時迎駕有來諸扎薩

北東言更勝於斯

關外山田秋稼多稔今年倍勝於常而科爾沁敖漢諸扎薩克王公等至



此迎鑿僉云迤北迤東各  
部落田禾景象較尤豐蔚

至避暑山莊即景成什

萬家列肆接闔扉駐熟山莊到若歸一路飽看秋稼好  
千峯疊矗曉雲稀今而來似昨而去旰以食仍宵以衣

永佑

寺名層樓

神御奉處瞻先敬寫心依

寺傍有寫  
心精舍

出麗正門恭迎

皇太后至山莊敬成長句誌喜

廣仁

嶺名在山莊西  
祖所賜額為必經之路

皇西望是瑤池

王母雲車降此時  
汎灑昨宵霏  
細雨晶明清  
曉霽高曦三  
秋有象供

怡豫四海無央祝

壽祺

食履倍康遊攬健歡承

慈訓永來隨

木蘭行圍熱河啟蹕之作

度節行秋彌

通年率以八月十日  
六日啟程往木蘭 詢

安便啟程仙莊數

入南望寶稼速西成過兩千溪漲烘晴

萬嶂明中闕

行官地名 午前到咨政慎權衡

至避暑山莊恭問

皇太后安即事誌喜

行館凌晨發山莊傍已臻

加豐慈體豫至樂慕懷伸日影窻延暖秋園氣藹春

萬年結心願如願顙

天申

入古北口作

今年秋暖長候不限邊墻關外樹仍綠籬根花始黃優

膏後微欠

今歲關內外秋稼極為豐茂惟七月以後雨澤畧欠需透收成未足十分而口內秋麥亦

因地土稍乾未能一律翻種

奢望未全償更繫予懷者稀看宿麥芒

三十四年七月戊子

上奉

皇太后啟蹕巡幸塞外是日

皇太后駐蹕湯泉行宮

上駐蹕石槽行宮

降旨蠲免所過地方額賦十分之三辛卯出古北口甲

午至熱河行宮乙未

上詣廣仁嶺恭迎

皇太后駕至熱河行宮丁未

上奉

皇太后於卷阿勝境侍膳

賜扈從王公大臣蒙古王公台吉等茶果凡三日八月

辛亥復

賜王公大臣蒙古王公台吉等茶果凡七日辛酉

上侍

皇太后膳

賜王公大臣蒙古王公台吉等宴壬戌

上萬壽聖節詣

皇太后行宮行禮

御澹泊敬誠殿扈從王公文武大臣官員及蒙古王公  
台吉等行慶賀禮

上侍

皇太后膳

賜王公大臣蒙古王公台吉等宴凡三日乙丑

上啟蹕巡幸木蘭

皇太后仍駐熱河行宮丙子行圍殪虎

駐蹕按巴鳩和洛色欽九月辛巳行圍殪虎

駐蹕薩爾巴里哈達壬午

駐蹕按巴鳩和洛昂阿蒙古諸王公等恭進

御宴

閱戲馬癸未行圍殪虎三

駐蹕烏蘭哈達丙戌

駐蹕張三營

賜扈從王公大臣蒙古王公台吉並隨圍兵丁等飯已

丑迴熱河行宮恭請



皇太后安乙未

上奉

皇太后自熱河迴鑾戊戌入古北口辛丑

上奉

皇太后迴圓明園

欽定熱河志卷十九

欽定四庫全書

史部

欽定熱河志卷

二十五  
二十三

詳校官編修臣曹斌

檢討臣德生覆勘

總校官舉人臣章惟桓

校對官編修臣勵守謙

謄錄監生臣曹洪梁

欽定四庫全書

欽定熱河志卷二十

巡典八

御製詩

恭奉

皇太后放行幸熱河駐蹕木蘭行圍之作

慶辰佳節遞都過合奉

慈輿幸熱河習武未宜疏馬鐵矢音恒是詠卷阿

恩深顧復行常侍

恒蒙熱河之例習武施惠朕情外藩所幸

慈諭宜循

皇祖每歲幸

慈體日益康強每奉豫遊

懿願必

加豐厚誠亘古未有之

大福慶也

體益康強喜實多納稼更無慮蹂躪潦餘旋轉幸如何

今年

閏月中雨水過多湖河地有被滂者六月以後雨暘頗調高阜稼仍美好昨楊廷璋奏統計通省收成八分有餘茲蹕路所經則大田悉已登場沿村困鹿頗積竟得轉歉為收督臣言果不妄為之慶慰

### 出古北口感懷

古北復鳴鞭今秋殊往年異常經潦漲格外命恩宣

六月

閏潮河異漲衝齒城根舊垣隨圮兵民廬舍亦多有漂捐者特派大臣同提督王進泰查勘撫卹即開倉平糶

以資接濟並發內府金四萬兩倍賞被水兵民補葺屋  
宇仍飭遣工匠繕復城牆今經遇則塞門已修築如舊  
室廬亦漸次完整惟城牆則待補築更念災餘物價稍  
昂官兵衣食未免拮据復如恩賞借一季餉銀俾生計  
充裕廬舍苟完矣雉墉未築焉長城真自壞觸景倍悽然  
每歲巡行大學士傳恒無不扈蹕今物故矣去歲征緬  
之後本不欲遠往以其救請甚力命往經畧乃以勤勞  
受瘴致殞夫此賢臣每  
懷耿耿悔之無及矣

至避暑山莊作

慶典原無廢習蒐略遲啟蹕過中秋行將蘭塞千園合

外藩例備千  
二百八行圍

且許山莊三日留

今歲啟行邊山莊祇駐  
三日便走木蘭行圍

錦繡開屏間，聲紅綠珮環。涼峽互，涇流迎鑿萬。姓休稱

謝

六月間熱河山水驟漲，居民廬舍被淹，業已加恩撫卹，並賞銀葺治屋宇，仍發倉粟平糶以資日用。今來

萬眾歡呼叩謝朕膏廩，災餘元氣之未能速復也。

元氣還塵可復不

出麗正門恭迎

皇太后至避暑山莊即事成什

昨宵數問夜何如，為是連朝潛

起居老幼黔黎類，善錫動言式。右史堪書街衢已，復舊觀

矣

六月間山水猝發，紅橋以西地勢稍低者，市廛多被衝損，隨倍賞內帑葺治，今已整繕如舊。

警蹕

奚須遠避諸策馬躬迎

聖母喜六旬子帝掖

安輿

木蘭行圍自熱河啟蹕作

雲收萬嶂喜新晴獵馬虞旌值啟程習武繩前奉

慈訓承歡惜濶繫深情積者穀圃秋原獲潤逼蘭衢塵不生  
舊部新藩都效職翮聯鞠脰路傍迎

重陽日蒙古王公等進宴即席成什

今歲行蒐十日遲重陽恰度木蘭時登山無地非高處  
進宴有心值節期詐馬依然元制度什榜讀作平聲底藉漢  
威儀歷觀史冊如茲少度鞏金甌慎自持

至避暑山莊恭問

皇太后安喜而成什

三度減圍期

今年較往歲凡減三圍

問

安心早馳趙程瞻

懿履仙境適



慈頤廿日

身益健千秋願若斯吾惟知以喜不忍憶宣尼

入古北口

朔氣變寒嚴休工春日僉

塞山敗壘頽垣固無事修葺而此正當路衝觀瞻所繫故

發內帑重築近塞地土凍早城工暫停力作俟春融興工

本無事修葺徒以繫觀瞻

省歲麥籠畝禦冬舍接閭安民企黃霸築塞鄙蒙恬

三十五年八月己丑

上奉

皇太后啟蹕巡幸塞外是日

皇太后駐蹕湯泉行宮

上駐蹕石槽行宮

謹按每年  
蹕免所過地方

額賦是歲係直隸省

啟蹕巡幸  
降旨

輪免正賦之年所過  
地方已在普蠲之內

壬辰出古北口

降旨加恩豫賞古北口駐防及綠營兵丁一季錢糧乙

未至熱河行宮

降旨加恩豫賞熱河駐防及綠營兵丁一季錢糧丁酉

上詣廣仁嶺恭迎

皇太后駕至熱河行宮己亥

上啟蹕行圍木蘭

皇太后仍駐熱河行宮九月乙巳行圍殪虎

駐蹕準烏拉武戊申行圍殪虎

駐蹕巴顏溝壬子

駐蹕按鳩和洛昂阿蒙古王公等恭進

御宴

閱馬戲乙卯

駐蹕張三營

賜蒙古王公台吉並隨圍兵丁等飯戊午迴熱河行宮

恭請

皇太后安十月甲戌

上奉

皇太后自熱河迴鑾丙子入古北口庚辰

上奉

皇太后迴圓明園

御製詩 辛卯

七月十日啟程幸熱河駐蹕木蘭行圍卽事疊去

歲啟蹕詩韻 有序

三驅獮候吉涓將啟虞旌兩日秋霖漲盛致稽蹕  
路展行期之信宿快晴已過洗車遣衛士以經營  
穩渡無煩涉馬牽舟誠速昨來正報梁成灑道何  
頻晨後又逢雨集豈柔金之生水信有恒占乃旬  
歲而一經竟無愆度辛巳之成規可按

大安之豫適宜遵小

駐御園計里畧同緩頰先臨行館詰朝仍勅停鑿惟農事  
之關心積潦懼妨良稼幸田功之蓄目如雲暢好  
高原十五蠲租倍常年而更洛善卹七言紀事疊  
舊韻而兼誌愆懷

賦霖今歲又逢過生水陰金屢漲河

辛未辛巳皆大雨  
水今歲又然或以

辛為陰金值歲主多水  
占驗之說豈果有之乎

橋待畢成權駐

輦途者可治先

去聲

循阿幸然高隴仍秋熟惜矣低田受潦

多滿望懼將作虛望

今歲春夏少雨自夏至後膏澤優霑早稼晚禾並皆茂滿擬可望

豐收乃七月朔日以來大雨兩晝夜漲添殊盛深懼妨農今沿途所見高田豐蔚可觀實為得之意外然下隰業已受傷勅免經過租賦十分之五視常例有加並令督臣勘察被水成災者照例撫卹用副廩念自慙之外更云何

白河水漲待橋未成因暫返御園恭問

皇太后安即事書懷

有序

伏庶甫退時行宿漲猶留處暑初交置頓成杠未

遍諮首途而請紓掖

輦稍須東上之園率前導而期待方舟徐駐適中之館乃  
問白河而徑度戒道將需半旬因瞻

紫籞而依馳詢

安已經三昔爰迴御苑敬侍

慈顏雖兩辛之卜胥符演潤或緣乎歲紀而一水之占倍  
惕沮塗偏軫夫農功至如典重詰戎佇俟風高而  
表扈矧若恩推懷遠行看日近以迎鑾是用摛言  
以當誌事



今歲秋霖過辛巳庠吳異漲候橋楮五朝待那安清蹕

密雲地外白河水勢湍急深至二丈餘不能及時減落  
檣柱既難以施工牽舟又艱於速致勞三在彼督辦橋  
座云非四五日弗克歲事若因此停蹕久待殊為無益  
且違定省已閱三日因於十三日仍迴御園恭請

聖母安俟奏報橋  
成再奉安輿啟行三日濶應謁

聖慈遮莫園中仍復返逍遙河上豈其宜箕疇默咎微

應惕與慚俱祇自知

恭奉

皇太后啟程之作

臨河轉蹕謁

徽宣五日徘徊駐御園漲退橋成馳奏牘秋高途治啟

鑿軒

前以白河漲盛密雲橋難猝成仍回御園駐蹕敬詢聖母起居既命勞三等於河干董視架橋並遣

侍衛往來詢促昨始奏報剋日成梁遂於十九日恭奉安輿啟行而經涂坦迨如常則由豫勒步兵代為

執役因行

已期舊例可違約

每歲巡幸木蘭隨圍之扎薩克王公台吉等例於古

北口外次第迎鑿今已逾期十日豈可復令其久待乎

況覲新來待沛恩

土爾扈特汗渥

巴錫等率全部來歸諭令於木蘭覲謁觀圍回至山莊宴費一切亦須早為部署也

尚有低田存

潦水民艱一路重詳論

出古北口

柔金勝剛金生水自倍蓰秋初漲潮河勢過昨歲已而何新築城嚙根復致圯賴人知豫防避潦早遷徙所以

災轉輕不幸中幸耳

今歲潮河漲勢較去歲更甚因軍民等曾經水患七月初一等日見

天雨晝夜不止即徙高處豫防水至雖廬舍被衝而人無傷損猶為不幸中之幸然人鮮寧居亦堪慶念因發帑賞葺房屋並開倉平糶賞借月糧以資口食茲復降旨將旗營各兵糧歲支本色兩季使米穀留餘贍給永裕期饒經過漲已消沙痕存岸溪頽牆埋草木原占川路

峙再築仍再傾當讓地於水

昨歲新修邊牆復經水傾圮茲親臨閱視其地適當

來水之衝盪擊勢所難免不宜與水相爭因諭就缺處結築礮臺以存規制現傾之垣竟毋庸補修使讓地於水可杜後患

宣命罷重為庶免紛更屢如云弛禦邊禦邊豈

繫此

自古長城之築原以設險禦邊已味在德之訓我朝幅員遠託口外仍屬近畿即蒙古新舊諸藩皆

隸臣僕并不得僅云中外一家更無可議為輕弛邊備又何藉此重門之禦屢事修復滋費耶

至避暑山莊即事有作

漲消橋就坦途培至止還遲十日來

初傳旨於七月八日啟鑿因雨展期

兩日復以白河漲益密雲橋難猝就仍自懷柔回駐御園直至督促橋成於十九日啟程較每常至山莊計遲

旬日嶺過廣仁境誅蕩門臨麗正象昭回峯容水態如相

迓松牖雲莊暢好陪不事招徠歸遠域行看嘉宴此重

開土爾扈特汗達巴錫等奉全部十萬衆投誠其汗及台吉等遠來覲謁計九月中旬可至山莊當於萬樹

園開宴行賞如都爾伯特策凌等之例也

出麗正門恭迎

皇太后即事誌喜

橋穩途平

鳳輦移

康強逢吉謁

慈怡無疆慶外有餘慶不敢期間願永期簷際鍾峯對閣  
苑階前列水即瑤池仙境蘊中和氣豫養

高年百倍宜

熱河啟蹕幸木蘭行圍之作

有方必告敬詢

安績葭旃旌指木蘭宿雨汎塵途不濇曉雲漏日氣非寒  
問程已熟行來近納稼逢饒志為寬適報遠人歸順至  
朝家蒐典俾同觀

木蘭旋蹕至避暑山莊即事有作

木蘭肆武罷秋園是日山莊旋蹕歸勅政旰宵仍別殿

詢

安歡喜謁

慈闈舊藩莅止入邸舍

四十八旗王公等以執役歲久此間或有置邸舍者

新附隨

來換蔽衣

土爾扈特台吉渥巴錫等於木蘭入覲後即令其隨至山莊將行宴養是日先加封爵並

視其秩予以章服有差

行慶施恩舉次第園看萬樹有光輝

恭奉

皇太后自熱河還蹕之作

行慶柔俸畢歲儀栢冬旋蹕指京師仙莊歲至漫迴顧

仁嶺雲齊景仰思

鹿仁嶺康熙五十七年  
賜名來往所必經

一路承

歡申愛敬

高年益健愜衷私如斯百度猶無厭層巒喬松與永期

三十六年七月戊申

上奉

皇太后啟蹕巡幸塞外



降旨以今歲雨水較大加恩蠲免所過地方額賦十分之五其被水成災者仍照例察卹

上駐蹕石槽行宮庚戌

上諭今年七月雨水較大已展期兩日啟鑿及過蘭溝時橋雖已成而未能堅整即遣使奏聞

皇太后請暫

駐御園俟沿途橋座俱成再請

啟駕朕仍先駐石槽行宮閱視所經橋道以便掖

輦安行今日駐蹕懷柔縣遣福隆安馳往密雲察看河勢  
情形據奏白河盛漲勢難驟落牽舟駕梁均非可以  
剋日施工因思既不能按程進行而坐待橋成為時  
太久亦屬無益著於十三日仍回蹕圓明園恭請

皇太后安俟努三督率修理橋座完成奏到時再行傳旨  
起程是日

命議叙沿途修理橋道各官辛亥迴圓明園丁巳  
上奉

皇太后自圓明園啟行是日

皇太后駐蹕湯泉行宮

上駐蹕石槽行宮庚申出古北口癸亥至熱河行宮甲

子

上詣廣仁嶺恭迎

皇太后駕至熱河行宮丙寅

上奉

皇太后於卷阿勝境侍膳

賜扈從王公大臣蒙古王公台吉等茶果凡三日八月  
庚午復

賜扈從王公大臣蒙古王公台吉等茶果凡七日庚辰  
亦如之辛巳

上萬壽聖節詣

皇太后行宮行禮

御澹泊敬誠殿扈從王公文武大臣官員及蒙古王公  
台吉等行慶賀禮

上侍

皇太后膳

賜王公大臣蒙古王公台吉等宴凡三日癸巳

上啟蹕行圍木蘭

皇太后仍駐熱河行宮九月乙巳

駐蹕伊綿峪土爾扈特台吉渥巴錫等入

觀丙午

駐蹕薩爾巴里哈達

賜扈從王公大臣蒙古王公台吉及土爾扈特台吉等

宴丁未

駐蹕按巴鳩和洛昂阿蒙古王公等恭進

御宴

閱馬威戎申行圍殪虎

駐蹕烏蘭哈達庚戌行圍殪虎

駐蹕他星雅圖阿辛亥

駐蹕張三營

賜蒙古王公台吉及土爾扈特台吉並隨圍兵丁等飯  
甲寅迴熱河行宮恭請

皇太后安丙辰

御萬樹園

賜扈從王公大臣蒙古王公台吉及土爾扈特汗渥巴  
錫等南掌國貢使以西哩門遮昆宴

賜王公大臣蒙古王公台吉等表裏及土爾扈特汗渥  
巴錫等銀幣有差戊午

賜扈從王公大臣蒙古王公台吉及土爾扈特汗渥巴

錫等宴凡三日辛酉後

御萬樹園

賜宴觀火戲凡二日癸亥復

賜扈從王公大臣蒙古王公台吉及土爾扈特汗渥巴

錫等宴十月己巳

上奉

皇太后自熱河迴鑾辛未入古北口乙亥



上奉

皇太后迴圓明園

御製詩 壬辰

恭奉

皇太后幸避暑山莊即事二律

有序

猶待行時塞館駐原風蒞莊宜避暑

慈幃清適寧居因念昨秋積雨漲川橋煩再架何如當夏  
蠲辰啟蹕途快覩先登既稟承

聖母以忻俞遂宣命諸司以豫飭時則炎蒸未熾薰拂微

涼四朝甫過

北郊六舍言循東道

高年順志緩程更

安御肩輿令典習勤前導仍肆驅閑駟矧官入而課績時

幾不廢疇咨復減從以恤勞更番并容休代幸籌  
車之滿獲晚凝雲尚鋪黃欣烜潤之均調早稼油  
都瀉碧雖先秋較逾匝月豐迺全占惟愛日欲至

萬年喜誠永天長言再系短引蕪成

又奉

慈遊速啟行較常時早月餘程秋霖恐蹈昨年跡

夏清真循避暑名最利禾濃侵曉露宜收麥湊接朝晴依  
然乘馬烟郊歷送駕入瞻喜倍生

承

歡

顧愛並殷如山館

康遊八表餘展頓敬圖

早懋息

每歲

皇太后初頓

駐湯山行宮次日

駐懷柔縣後即按常頓而行今以

聖母壽

逾八旬尤宜安適擬自懷柔以下凡中道  
建舊行宮皆可懋息因恭奉

臨駐冀程益緩而到

益早并沿途祇備肩輿

御行倍適頤養

肩輿自覺

益安舒因成

徐進增情懋仍復先行例道除祇識此他非所識宣尼深

語敢萌予

出古北口即事

東方曉日萬峯明山路盤旋策馬行巖堞軸頽半有地

市廛柳北永無征

凡關皆有征稅惟古北口不設權司連

皇祖遺制也旅人那

慮漸石潭農父偏欣曬麥晴讓水即為治水策費財奚

### 事築邊城

古北口邊牆緣山跨水以築潮河穿水門入庚寅夏

大雨數日河漲數丈餘奔騰突激絲垣及城墻皆毀

於水以其為經涂觀瞻所繫發衝緝繕完之辛卯秋

霖又盛河漲如前新繕垣復圯迨出口臨閱察其故

蓋邊牆踞河上正當其衝河流即移逼城根非可人力爭禦若屢弛屢葺雖無力役勞民之事而糜金錢疲工作非計也至於遏其勢致橫溢傷民廬蓋非計也且今中外一家關以外尚隸畿輔又安藉此防邊為北門固屹然壯觀餘堞本無所輕重因命視牆峙處結築礮臺以具規制闕者委之於河使其暢流順軌行水之智貴乎因勢利導讓之乃所以治之然於此正可若夫內地民稠之處則又不可

六月朔日至避暑山莊即事成什

皇祖山莊此

叔居每來

恩訓不忘初快晴喜共將旬及避暑到猶早月餘

今歲因昨秋霖

潦稽程啟鑿時早途中每日晴霽涼爽倍勝常年到山莊較早一月有半於避暑亦為名實相副云

因以

循名勵責實敢惟玩物益孜予

高年駐近遲四宿

每歲

皇太后初頓駐湯山次頓駐

今歲自懷柔以下凡中道

懷柔縣餘仍按常程到山莊祇遲一宿皇祖所建舊行宮皆奉

聖母駐懋較常則遲四宿矣蓋程益緩而駐益早

冀 頤養得  
倍增安適耳

屈指殷心迓

鳳輿

出麗正門恭迎

皇太后至山莊喜成是什

愉怡候道邊迎

駕命趨前

詢 安後奉 懿旨命策  
馬先至山莊恭候歲以為常

倍迎

高齡健却紆十日懸山林供

爽眺溫清適清便孝則吾何敢慕誠過舜年



熱河啟蹕幸木蘭行圍之作

節過啟程依例常平明清蹕發仙莊或輿或馬遵

慈訓多忝多稔閱歲穰野郭山村經迤邐舊藩新部扈相  
將詰戎義以行圍寓

家法聰聰百世長

木蘭迴蹕至避暑山莊恭請

皇太后安喜而成什

復不過時歸不賒歸來

食履悉康嘉

萬年祝願冀如願四海為家茲更家秋暖葉林紅間綠雨

輕塞宇霧成霞

是日重  
陽微雨

黃州詩稱

去

重陽節可耐庭前

潤菊花

出麗正門恭送

皇太后啟鑿之作

今巡步輩奉

慈歡稅近先行取日寬

今年

御肩輿緩行

皇太后幸熱河因奉

慈顏甚喜並

承懿音於九月十二日先行按途間所有小行宮均駐憩計行十一日朕仍十六日啟行於廿二日同至御園以中頓小行宮不能容多人駐宿也仍擬御園共早到欽承

懿訓永年刊前旌嶺路瞻徐發後輒山莊駐暫盤去送來  
迎意何極南山為祝鎮斯耆

入古北口

仲夏出關秋入關條如信宿往和還乍逢夾路草猶綠  
故合依峯樹未殷敗壘徒教留埤堦皆仄聲崇墉欣看接

鄜關迤南見麥思早雪因識人情知足艱

三十七年五月己未

上奉

皇太后啟蹕巡幸塞外是日

皇太后駐蹕湯泉行宮

上駐蹕石槽行宮

降旨蠲免所過地方額賦十分之三壬戌出古北口六月乙丑朔至熱河行宮己巳

上詣廣仁嶺恭迎

皇太后駕至熱河行宮七月戊午

賜扈從王公大臣蒙古王公台吉等茶果凡三日辛酉  
上御澹泊敬誠殿土爾扈特郡王巴木巴爾貝子布顏  
楚克等入

覲

賜巴木巴爾布顏楚克王如意洋表鼻烟壺並  
賜巴木巴等頂帶冠服有差壬戌

閱步踏八月庚子

上侍

皇太后膳

賜扈從王公大臣蒙古王公台吉及土爾扈特郡王貝子等茶果凡六日甲戌亦如之乙亥

上萬壽聖節詣

皇太后行宮行禮

御澹泊敬誠殿扈從王公文武大臣官員蒙古王公台吉及土爾扈特郡王貝子等行慶賀禮

上侍

皇太后膳

賜王公大臣蒙古王公台吉及土爾扈特郡王貝子等

宴凡日丙子

上御萬樹園觀火戲戊寅

上啟蹕行圍木蘭

皇太后仍駐熱河行宮丙戌

駐蹕阿爾蘓台蒙古王等恭進

御宴

閱馬戲九月戊戌

駐蹕張三營

賜蒙古王公台吉及土爾扈特郡王貝子等飯辛丑迴

熱河行宮恭請

皇太后安甲辰

上出麗正門恭送

皇太后迴鑾戊申



上自熱河迴鑾辛亥入古北口甲寅

上奉

皇太后迴圓明園

欽定熱河志卷二十

欽定四庫全書

欽定熱河志卷二十一

巡典九

御製詩

癸巳

恭奉

皇太后啟程駐蹕避暑山莊作

高齡避暑塞園清  
撰吉平明發蹕旌五日節剛三日過  
今年程按去年行  
野芄雲綠緣逢雨  
塲積壟黃正喜晴  
陌

柳吹風迎面爽較羸秋熱愜輿情

出古北口作

巖城高下踞崔嵬讓水平川百丈開

古北口城牆舊本綠山跨水為之虞

寅夏潮河驟漲牆當水衝者俱圯隨發帑繕完辛卯秋河復漲水上牆復圯因思牆值河溜勢難與水相事與其隨葺隨墮徒勞工作毋寧讓地於水以避其衝且今中外一家更無藉此繚垣為命於牆缺處結築瞭樓以脩形勢水面不復遮堵任其暢流為經久策

古季防秋真足鄙清時避暑更

誰猜課官月出非遼遠

文武月選官及外省應行陞調人員自駐蹕熱河後令吏兵二

部堂官每月輪值一人帶至行在引見免其在京久候

衛士番更聽往迴

侍衛及護軍等

令其前後分班  
番值俾得休息  
曰此雄關闕詎此伊犁戶外靖邊埃

五月十四日至避暑山莊

山莊駐蹕每移前  
今年夏至在五月初二日以閏在至前故較昨歲早二十日  
北郊禮

成即消吉啟蹕亦較上年早半月餘

夏清都因

願大年

方澤祭過誤良日三庚節先去避炎天  
五月二十二日初伏今日尚在伏前

七日 皇太后綏程安行計十八日至山莊亦尚未入伏向年七月啟程率在伏中未免晏暑猶熾

欽定四庫全書

欽定熱河志

二

後程緩進期安逸此日先臨撫市鄜烟火萬家仰

昔詠

皇祖御製山莊三十六景詩有生理農桑事聚民至萬家又有萬家烟火隨民便之句今休養生息

間六十餘年井里繁盛更數倍於昔矣

益勤恬養勵乾乾

出麗正門恭迎

皇太后至避暑山莊喜而成什

昨晚欲霖慮嶺崇今朝快霽迓

徽宮

前晚密雨微旦昨晨雲氣猶濃懼成霖致渫因有明當西嶺鳳輿度渥矣其賜為繼情之句午後漸

次開晴今晚遂大霽嶺路坦平恭迓 志興喜慰之誠倍切

壽無量故

福無量喜有同因頌有同鶴是仙禽依砌下松為貞樹列

庭中

松鶴齋奉  
母晏居願養也

聖

齋前恒奉

慈顏顧萬歲千秋樂莫窮

中秋後一日啟蹕木蘭行圍之作

秋仲例蒐啟蹕應有行必

告候

居興撫遐習武斯攸繫罷彼留茲特未能溪溯石磯還木

約農登西隴復東塍午前稅駕行宮近摹帖因之暇几  
憑

木蘭迴蹕至避暑山莊恭問

皇太后安喜而成什

向北圍程又一周歸來

安適敬咨諏日增

食履天同健景獻園林

時豫遊六十慕希五十慕八千秋祝萬千秋年年如是申



忱忭不覺其間隙影流

入古北口

秋暖竟殊常

今歲閏月後節氣率早而秋暖較往歲尤長

入關更向陽連看

樹增綠

關外樹尚綠而關內則綠更濃

無礙草微黃官吏紛迎接村莊

富蓋藏翻犁種秋麥一歲總農忙

三十八年五月丙寅

上奉

皇太后啟蹕巡幸塞外是日

皇太后駐蹕湯泉行宮

上駐蹕石槽行宮

降旨蠲免所過地方額賦十分之三己巳出古北口壬

申至熱河行宮丙子

上詣廣仁嶺恭迎

皇太后駕至熱河行宮丁亥

上奉

皇太后於卷阿勝境侍膳七月壬午

賜扈從王公大臣蒙古王公台吉等茶果凡四日丙戌  
閱步踏八月戊子

賜扈從王公大臣蒙古王公台吉等茶果凡二日庚寅  
土爾扈特貝子沙喇扣肯等入

覲

賜扈從王公大臣蒙古王公台吉及土爾扈特貝子等  
茶果凡四日丙申

上奉

皇太后於獅子園侍膳戊戌

上奉

皇太后於卷阿勝境侍膳

賜扈從王公大臣蒙古王公台吉及土爾扈特貝子等  
茶果已亥

上萬壽聖節詣

皇太后行宮行禮

御澹泊敬誠殿扈從王公文武大臣官員蒙古王公台

吉及土爾扈特貝子等行慶賀禮

上侍

皇太后膳

賜王公大臣蒙古王公台吉及土爾扈特貝子等宴凡

三日壬寅

上啟蹕行圍木蘭

皇太后仍駐蹕熱河行宮丙午行圍殪虎

駐蹕布敦口丁未行圍殪虎

駐蹕坡賴口辛亥

駐蹕森吉圖蒙古王公等茶進

御宴

閱馬戲甲寅行圍殪熊一虎一

駐蹕永安巴依口九月丁巳朔行圍殪虎

駐蹕薩達克圖庚申

駐蹕阿穆呼朗圖

賜蒙古王公台吉及土爾扈特貝子等飯甲子迴熱河

行宮恭請

皇太后安戊辰

上出麗正門恭送

皇太后迴鑾壬申

上自熱河迴鑾乙亥入古北口戊寅

上奉

皇太后迴圓明園

御製詩 甲午

恭奉

皇太后啟程駐避暑山莊二律

已過

北郊祭應為避暑行

慈輿循近頓清蹕啟前程既

愜豫遊志還申溫清情年年

諭頻奉歲歲例無更

東門仍據鞍

出長春園東門御馬而行

送駕列千官豈不林林立欲



求采采難曉風輕拂爽綠野遠開寬一例急需雨鞞鞭  
弗忍看

出古北口

潮河水弱翕循川異漲衝城緬昔年一自讓流乃無事

長城舊跨潮河上庚寅夏河水暴漲牆當其衝隨流而  
圯隨發帑修復舊觀次年秋河復漲牆復圯因思城本  
佔河何如讓地於水且本朝中外一家又宜在此水上  
綠垣為藩蔽因命將臨河城採葺完以備規制而跨河  
之城即不復築  
遂得相安無事 即云防北詎斯然清時避暑常來往列  
處勅幾勵惕乾遺蹟勝朝多敗壘蓋餘百歲息烽煙

至避暑山莊作

廣仁

嶺名

去歲雨憑輿策馬平明此過諸利穡霑膏還憶

彼

去歲閏內春夏雨甚佳閏外四五月間略缺澤五月十四至山莊日始優霑今歲則閏外之澤乃勝閏內

也

習勞示衆每厪予青山綠水真佳處奧室敞軒各灑

如所愧昔年臨此者依然午夜問軍書

出麗正門恭迎

皇太后至避暑山莊喜而成什

歲歲蘭衢迓

鳳鑿十朝翹企一朝寬

高年養志奉遊豫哀悰顯

躬祝適安近駐緩行斯莅止明山秀水總承

歡諄諄

慈諭期恒例

每承為例

慈諭以年年如是為例欽奉之外實無可言也

祇有欽遵無別

端

山莊啟蹕木蘭行園之作

齋趨松鶴敬

安諏

山莊內  
憩息處曰松鶴齋

聖母恒

遂以虞旌發蹕騶小潤

寢門廿餘日丕承

家法萬斯秋西成歷覽欣綏屢北部羣隨聚仰流攬轡據  
鞍同往歲肯因耽逸懈

貽謀

木蘭迴蹕至避暑山莊恭問

皇太后安喜而成什

乘時脩彌返山莊歷攬秋收喜報穰境是真仙

恣遊豫歡承

王母倍康強霜輕紫榭爭松翠氣暖紅荷共菊黃

迴澤山莊正當

菊花之時而湖中荷花尚有開者節過寒露即內地亦不能若此實為罕觀蓋由苑中本有溫泉是以地脈融照而今年氣候倍暖故爾日上明窓供點筆那忘即景惜流光

進古北口作

巖關此日度歸驂四月流陰一瞬叅閭左秋成聊用慰

山東變故頓因慙

壽張奸民王倫倡為白蓮邪教糾眾作亂侵掠壽張陽穀堂邑三縣戕害

縣官縱因劫庫佔據臨清舊城擾害旁近村落而山東綠營兵怯懦無用不能攻克因派京兵一千令固倫額

駙拉旺多爾濟等帶領特命大學士舒赫德往彼董理軍務並勅周元理何燭各統兵於境上邀截逆首自可尅日成擒削平賊黨以靖地方么膺敢作不靖雖其自取殲誅但四十年来愛養羣黎豈宜尚有此叛逆之衆思之實為情慙耳 迴頭塞景還瞻北撲面暄風以向南絕壁懸

崖連埤塊爾時民力若為堪

三十九年五月戊辰

上奉

皇太后啟蹕巡幸塞外是日

皇太后駐蹕湯泉行宮

上駐蹕石槽行宮

降旨蠲免所過地方額賦十分之三辛未出古北口甲

戌至熱河行宮戊寅

上詣廣仁嶺恭迎

皇太后駕至熱河行宮七月丁丑

上奉

皇太后於卷阿勝境侍膳

賜扈從王公大臣及蒙古王公台吉等茶果凡四日八

月癸未復

賜扈從王公大臣及蒙古王公台吉等茶果凡三日丙戌土爾扈特貝勒默們圖等入

覲

賜扈從王公大臣蒙古王公台吉及土爾扈特貝勒台吉等茶果凡三日庚寅

上御避暑山莊門

閱射都爾伯特貝勒巴桑等入



觀癸巳

上奉

皇太后於卷阿勝境侍膳

賜扈從王公大臣蒙古王公台吉及土爾扈特都爾伯

特貝勒等茶果甲午

上萬壽聖節詣

皇太后行宮行禮

御澹泊敬誠殿扈從王公文武大臣官員蒙古王公台

吉及土爾扈特都爾伯特貝勒等行慶賀禮

上侍

皇太后膳

賜扈從王公大臣蒙古王公台吉及土爾扈特都爾伯

特貝勒等宴凡三日丁酉

上啟蹕行圍木蘭

皇太后仍駐熱河行宮辛丑行圍殪熊

駐蹕海拉蘇台乙巳

駐蹕都穆達烏拉岱蒙古王公等恭進

御宴

閱馬戲九月癸丑行圍殪熊

駐蹕伊遜河甲寅行圍殪熊

駐蹕塔里雅圖乙卯

駐蹕張三營

賜蒙古王公台吉及土爾扈特都爾伯特貝勒等飯並

銀幣有差戊午迴熱河行宮恭請

皇太后安巳未

上奉

皇太后於卷阿勝境侍膳

賜御前大臣軍機大臣等飯壬戌

上出麗正門恭送

皇太后迴鑾丙寅

上自熱河迴鑾巳巳入古北口壬申

上奉

皇太后迴圓明園

御製詩 乙未

恭奉

皇太后幸避暑山莊是日啟程即事成什

年年避暑奉

慈闈

慈諭欽承弗敢違土厚氣清宜

夏清千秋萬載扈

音徽前行

後宿依恒例昔往今來驗道機夜雨朝晴便平聲跋馬習勞

即是勅惟幾

出古北口作

秦築長城土色紫因名紫塞至今貽見崔豹古今注殘垣剩堵

依然見冠嶺梯巖那構思興者不知作者苦前人徒遺

去聲後人嗤塞邊使不侵中國邊境而今豈謂斯

至避暑山莊即事得句

仁皇避暑此卷阿恭奉

慈輿歲一過適以明裡舉

方澤遂教啟蹕秩南訛仙莊夏景迎吟馬畫嶂晴光濯黛

螺五十餘年憶

恩顧昨朝今日不爭多

出麗正門恭迎

皇太后至避暑山莊喜而成什

啟程翼曉雨淋漓

駐蹕湯泉待約摺

每歲計十一日今年初預 慈駕自啟鑾至

駐湯山因夜 莅山莊

雨稍大漲潦侵橋隨令莊親王永瑞率虎鎗侍衛前往督同司道促治輿梁翼日而得 聖母在湯山僅信

宿即就道安行是以較向年 十日縈思一日喜

八旬聖母六旬兒似茲遊豫誠希也祇有

康強永祝之不可不知

孔子訓我惟知不忍言知

熱河啟蹕木蘭行圍之作

武功文德並宜昭



謨烈欽承自

聖堯撰吉行旌指北塞詢

安寢閣謁

東朝彌蒐節合仲秋月往返期惟廿二朝丙夜紅旗仍問  
提幾曾行幄得逍遙

木蘭迴蹕恭問

皇太后安喜而成什

惠遐詰武要惟均歲事山莊返蹕巡四海臣民咸共仰

高年福祉慶恒申捷旗到早

知而喜

徽閣瞻

增精與神將奉

安輿入京國弗寒猶先

去聲

小陽春

四十年五月壬申

上奉

皇太后啟蹕巡幸塞外是日

皇太后駐蹕湯泉行宮

上駐蹕石槽行宮乙亥出古北口六月戊寅至熱河行

宮癸未

上詣廣仁嶺恭迎

皇太后駕至熱河行宮七月庚午

上奉

皇太后於卷阿勝境侍膳

賜扈從王公大臣蒙古王公台吉等茶果凡二日癸酉

甲戌亦如之乙亥

閱步踏八月戊寅

上奉

皇太后於卷阿勝境侍膳

賜扈從王公大臣蒙古王公台吉等茶果凡二日庚辰

土爾扈特貝子沙拉扣肯等入

覲

賜扈從王公大臣蒙古王公台吉及土爾扈特貝子等

茶果凡三日丁亥復

賜扈從王公大臣蒙古王公台吉及土爾扈特貝子等  
茶果戊子

上萬壽聖節詣

皇太后行宮行禮

御澹泊敬誠殿扈從王公大臣官員蒙古王公台吉及  
土爾扈特貝子等行慶賀禮

上侍

皇太后膳

賜王公大臣蒙古王公台吉及土爾扈特貝子等宴凡

三日辛卯

上啟蹕行圍木蘭

皇太后仍駐熱河行宮丙申行圍殪熊

駐蹕呼魯蘇台己亥

駐蹕都穆達烏拉岱是日定西將軍阿桂等奏攻克勒

烏圍紅旗報捷

命御前侍衛春寧馳詣

皇太后行宮稱賀癸卯行圍殪虎

駐蹕鄂爾楚克哈達九月丁未行圍殪虎

駐蹕烏蘭哈達戊申行圍殪熊

駐蹕坡賴口己酉行圍殪虎

駐蹕他里雅圖口庚戌

駐蹕張三營

賜蒙古王公台吉及土爾扈特貝子等飯癸丑迴熱河

行宮恭請

皇太后安丁巳出麗正門恭送

皇太后迴鑾辛酉

上自熱河迴鑾甲子入古北口丁卯

上奉

皇太后迴圓明園

御製詩

丙申

恭奉



皇太后幸避暑山莊啟程之作

東巡迴蹕剛半月北幸啟程又一時無乃太勤車馬爾  
未嘗少懈盱宵斯

堯皇家法寧容弛

文母高年合奉怡避暑長茲承夏清

修齡永祝侍

期頤

出古北口

塞有塞之意古來畏北人發端始蘇李扼險自羸秦征戰多傷害戍屯良苦辛難言惟守在得要亦相親即此

往來度恒聯中外臣勅幾勤一已施惠接嘉賓

自秦人北築長

城畏其南下防之愈嚴則隔絕愈甚不知來之乃所以安之我朝 家法中外一體世為臣僕 皇祖開

此避暑山莊每歲巡幸俾蒙古未出痘生身者皆得親見宴賞錫賚 恩益深而情益聯實良法美意

起越千 敢不遵

家法寧徒事豫巡紓懷搞五字揭義示千春

至避暑山莊即景成什

蘭露松風曉氣清廣仁嶺過見巖城萬家烟火滋增倍

我

皇祖山莊詩有聚民至

萬家及萬家烟火隨民便之句

五穀倉箱望益誠智水

仁山怡性謚高畦低壟喜天晴更予一節便宜者午夜  
軍書罷問程

出麗正門恭迎

皇太后至避暑山莊喜而成什

朝晴夜雨符汎灑路左迎

鑿此夙興十日牽縈欣大慰

萬年康健福駢膺惟茲避暑期恒豫不覺

喬齡逐漸增欲擬求仙為駐景秦皇漢武有明徵

熱河啟蹕木蘭行圍之作

甫過月節發天閑例寓詰戎懷遠未可刪千百年承

垂

家法廿餘日契濶

慈顏

自八月十六日啟蹕至九月初八日迴蹕山莊間

安遠侍

聖母計二十一日

勤思無

逸欣馬御

是日自山莊乘馬出至尖營始易車

歷攬有收慰穡艱里祇由

旬駐猶早

至中閭行宮  
四十七里

披辭紀事趣幾間

木蘭迴蹕至避暑山莊恭問

皇太后安喜而成什

仲秋啟蹕季秋還來往剛消廿日間却比向年增慕志  
乃欣先節謁

慈顏

精神逾健

天恒錫山水供

怡日永閒願養固知此地好微歎者略遠京闕

九月十六日避暑山莊迴蹕駐喀喇河屯行宮作  
翠羽平明轉蹕輪河干別館駐逡巡憶來林態纔仲夏  
重到山光釀小春瞥眼便為經歲事問心底是惜陰人  
甌香研淨多清暇點筆聊因紀此辰

四十一年五月癸未

上奉

皇太后啟蹕巡幸塞外是日

皇太后駐蹕湯泉行宮

上駐蹕石槽行宮

降旨蠲免所過地方額賦十分之三丙戌出古北口己丑至熱河行宮癸巳

上詣廣仁嶺恭迎

皇太后駕至熱河行宮七月己丑土爾扈特郡王舍楞等

入

觀甲午

上奉

皇太后於卷阿勝境侍膳

賜扈從王公大臣蒙古王公台吉及土爾扈特郡王等

茶果凡五日辛丑

閱步踏八月辛丑

上奉

皇太后於卷阿勝境侍膳

賜扈從王公大臣蒙古王公台吉及土爾扈特郡王等



茶果凡三日甲辰土爾扈特郡王策伯克多爾濟  
等入

覲

賜扈從王公大臣蒙古王公大臣及土爾扈特郡王等  
茶果凡二日辛亥亦如之壬子

上萬壽聖節詣

皇太后行宮行禮

御澹泊敬誠殿扈從王公文武大臣官員蒙古王公台

吉及土爾扈特郡王等行慶賀禮

上侍

皇太后膳

賜王公大臣蒙古王公台吉及土爾扈特郡王等茶果

凡三日乙卯

上啟蹕行圍木蘭

皇太后仍駐熱河行宮辛酉行圍殪虎

駐蹕那爾蘇台癸亥

駐蹕都穆達烏拉岱蒙古王公恭進

御宴

閱馬戲九月癸酉

駐蹕張三營

賜蒙古王公台吉及土爾扈特郡王等飯

丙子迴熱河行宮恭請

皇太后安庚辰

上出麗正門恭送

皇太后迴鑾甲申

上啟蹕自熱河迴鑾丁亥入古北口庚寅

上奉

皇太后迴圓明園

欽定熱河志卷二十一